



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

3. Ejus liber & hasta.

---

[urn:nbn:de:hbz:466:1-68709](#)

Ethica.

Quo commento I. (a) illud significare voluerunt, bonarum artium disciplinas humani ingenii non esse inventum, sed ex Jovis Cerebro, hoc est, ex inexhausto divinæ Sapientiæ fonte in humanum usum esse depromptas. Quod vero armata prodeat, & jam adulta Minerva, indicatur, Sapientis animum contra fortunam paratum & armatum, interritum se præstare periculis, infractum malis, adversis calamitatibus inexpugnabilem. Significatur quoque viri militaris consilium non, nisi maturum & absolutum, in lucem prodire debere: vel viros militiæ excellentes, simul bonis artibus debere esse instructos. Item Sapientiam se ipsâ munitam esse, nec quidquam metuere; non vinci, non subigi.

II. (b). Minervæ etymon quidam ducunt à minando, quasi vim minetur; solet enim simulacrum ejus singi egide (hoc est, lorica pectorali) & hasta formidabile. Unde & Pallas à Græcis dicitur ἄπὸ τῆς πόλεως, vibrare, propterea quod hastam tenens, eam veluti vibrare videatur. Eadem & Tritonia appellatur, eò quod Ogygis regis temporibus, circa Tritonidem, Africæ paludem, virginali facie dicatur apparuisse. Ab Homero peculiari epitheto γλαυκῶμενος appellatur, à glauco oculorum colore: unde & Cæsiam Latini cognominant. Hæc prima adficiandi modum invenisse fertur: ejusdem etiam inventum colus est: usum quoque tibiarum, & artem Musicam excogitasse dicitur. Præterea docuit acu pingere, telam texere: omnique lanifictum, legesque, ac classica adinvenit. Olei quoque usum prima putatur ostendisse, divinosque ob id honores meruisse, dignamque judicatam, quæ Athenarum urbi nomen imponeret, rejecto Neptuno, qui edito recens equo nascenti urbi potentiam bellicam promittebat. Virginitatem perpetuò illibatam servavit; hinc & innuptam & intactam appellant Poëtæ. Unde colligis, quanta vis sit excellentis animi, quamque in multas ac varias artes illa se extendat, non tantum addiscendas, sed etiam inveniendas. Minervæ nihil est negotii cum stupidis & cerebro laborantibus. Qui, si quid discendum, quid dicam? inveniendum, scalpunt caput vacuum: mordent ungues, iusto per ignaviam longiores: querunt Palladeim in capillis, in quorum silva magis Diana venetur, quam ut Minerva capiatur.

III. (c) Armata pingitur litterarum dea, & non muliebriter

(a) Pallas cur ex Iouis cerebro nata? (b) Minerva habitus & artes.

(c) Minerva cum libro & hasta.

compta; docetque, molles animos neque suis, hoc est pacis, neque belli  
(quod hasta significatur) artibus aptas esse. Trito versiculo:

Non jacet in molli veneranda Scientia lecto.

Hinc Vulcanus securi caput Jovis aperuit; ut intelligas, labore ac  
conatu sapientiam parari. Minerva Belli simul & Musarum Praes,  
altera manu librum, altera tenet hastam; cassis aurea in capite, & in  
casside crista rutilantes, lorica ante pectus. Alias etiam lanceam vi-  
brat dextrâ, scutum attollit levâ, Gorgoneo capite horridum; hujus  
præsidio Perseus, de quo Symb. 24. adversarios vertit in lapides. Hoc  
Symbolum est viri sive sapientiae studiô, sive armorum, excellentis. Jux-  
ta Salomonem Proverb. 24. *Vir sapiens fortis est, & vir doctus, robu-  
stus & validus.* Fortior est, inquit Aristoteles, apud Antonium in Mel-  
issa p. 1. c. 12. ille, qui cupiditates, quam qui hostes vincit: nam se-  
ipsum vincere, difficillimum est. Fortis est, qui superat hostes; for-  
tior, qui voluptates. Praeclarè Seneca ad Heluiam c. 5. Nec secun-  
da sapientem evehunt, nec adversa demittunt. *Militarem quoque Du-  
cem Pallas armata repræsentat;* Nam, ut in Proverbiis sacris est:  
*Cum dispositione initur bellum: & erit salus, ubi multa consilia sunt.* c. 24.

IV. (d) Palladis cassidi insidet gallus, quia pugnax avis est, &  
vigilax. Aspice gallum in pugna & duello, quid eō bellicosius? ut ca-  
put cristatum, ut caudam erectam & falcata gerit, cum in certamen  
ingreditur: ut mavult mori, quam cedere. Unde Marti quoque, bello-  
rum Deo, sacer est, & adagiò *Maris pullus* vocatur. De eo Plinius:  
si ex certamine victoriam reportarit, tum oculorum eminentia, tum  
cervice erecta, & cantus contentione insolenter effertur, & triumphan-  
ti similis est. Quocirca Miltiades Athenienses contra Persas exacuturus,  
duorum gallorum duellantium spectaculum proposuit. In hac ave quan-  
ta vigilantia, & tempestatum præsensio? A prima mediæ noctis incli-  
natione, explaudentibus, ut Lucretius ait, alis

Auroram clara consuetus voce vocare.

Excubiarum quemdam & vigiliarum magistrum agit. Quid? quod altero  
plerumque oculo sursum elevato, rapaces aves, infestissimos hostes suos, ob-  
servet, ne repente in volent; altero, minutissima quæq; in locis etiam parùm  
lucidis diligentissime disquirat. Faciant hoc alumni Palladis, seu calamo, seu  
gladio sint auctorati; secus, illi turpis inertiae: isti temerariae securi-  
tatis damnabuntur. Nam quemadmodum eruditio amantibus diligenter ac sedulò perquirenda & pervolvenda sunt ea volumina, è qui-  
bus

(d) *Gallus gallinaceus Minerva sacer.*